

www.BibleForChildren.org



Jon 14



“Mvngdwk mvngkula doomabvka,” Jisu bunua minto.
“Pwknvyarnvnyi mvngjwng laka okv ngaaka mvngjwng
laka. Ngo Abu gv naam tv karchung ngv awgo doodu,
okv ngo nonugv lvgabv dooku riku mvpvripv jitebv
vngjinv. Minggvdynam si doorung mabolo ngo nonua
svbv mima dvnvpv.”



“Okv ngo vngla nonugv lvgabv dooku riku nga mvpv ripvro kochingbv, ngo aakur reku okv ngo atuv nonua naareku, vbvrikubolo ngo ogolo doopvdw nonuka dooming gvreku.”




Ngo nonugv achiboru, Jon, okv Jisu gvlo riminggvnv
gobv rikunam lvgabv ninyigv Karv gvbv rikunv
vdwgvlo hindarkaso aanam am nonugv


lvkobv ngo chitamrvnam
mingvkunv.



Ngo gv kaatam nam jvjvnv okv Pwknvyarnv gv
gamchar am japgo jinam lvga lo nga Patmos
gv bokpingolo vvpvtoku.




Vjakgovv dowv ngam laatung dato. Nyidomooku ao tolo dvvdotumnvnnv akolo nyi go dootung dubbv kaapato.




Okv nyidomooku, sichingmooku, nyiamooku gv arwng lo, okv svmasa gv arwng lo—pwknamyarnam dvdv nga chinggodogolo—okv gaana gaadu bv bunu vdwgv vlv nga ngo tvvpato: “Dvbvdootumlo doonv ninyia okv Svlarkuu nga, hartvnamv okv mvngdvnamv, yunglitnamv okv gwlvk namv, dvbvsingtambv doobwng yilaka!”



Okv Darwknv Pamtv vv, anwnv Jerusalem ngv,
Pwknvyarnv gv nyidomooku lokv, nyimv nyamn v gv,
gvkigvak tvla okv ninyigv nyilu nga kaarwk sitvnam
aingbv anwnv Jerusalem ngvka mvpvripv tvkula ninyia,
idubv ngo kaato.



Ngo dɔvɔdotumɔvɔv tolo gɔvɔv gaam adu dutv rungɔv
go vɔv mindung dubv tvɔpato: “Vjak Pwknvyarnv gɔv
naamnasung ngv nyi vdwgv lvkɔbv dooduku! Ninyi
bunua lvkɔbv dooming gvriku, okv bunu vdwv ninyigv
nyi bv rireku. Pwknvyarnv nw avv bunua lvkɔbv
dooreku, okv
Nw bunugv
Pwknvyarnv
bv rireku.”



Nyidogindung ngv Pwknvyarnv okv Svlarkuu gv
dotumnvnnv lokv, Kraistal aingbv klingklaknv, turnam
jinv isi svko um nga kaatamto okv Pamtv gv lamtv
lvpa jelo biiko lodu.



Pamtv nga doonyi vmalo poolu gv loung go ungka svgo
kaama ogulvgavbolo Pwknvyarnv gv yunglit gv loung
ngv um unkladu okv Svlarkuu ngv vkvgv
mvdurupum bv risudu.




Vbvritola darwkmanv vmalo yvvdw hinyinghiru nam
ridudw vmalo mvvnamrunam ngv soogv pamtv so aala
mare. Yvvgv amin am Svlarkuu
gv turnv kitap lo lvklwk pvdw
vv mvngchik pamtv
hoka aalare.




“Nw bunugv nyiklo nyiksi dwkla kapnama tikak reku. Hoka sinamyanam ngv, tinggwnyilin ngv, vmalo kapnamrinam vmalo achiapik go kaakumare. Vkvlgavbolo Kvvlo gv akunv ogumvnwng ngv nyetoku.”



Pamtv ara hoka vdwloka Pwknvyarnv gv beenam vkvnv
oguguka mapa mare. Pwknvyarnv gv dotumnvnnv okv
Svlarkuu ngv pamtv ara hoka doore, okv ninyigv pakbu
vdwv ninyia kumlajola rire. Bunu ninyigv nyukmu am
kaapare, okv ninyigv
aminv bunugv
tuktumlo
lvklwk pvvre.



Okv ngo sinv vdwaka kainv okv miang nvngaka
dvvvdogingnvnv kaagia hoka dakdubv kaato. Kitap
vdwa taakuk pvvto, okv kvvbi kitap goka taakuk pvvto,
vv turnam gv kitapv. Sikunv vdwgv bunu ogugo ripvdw,
kitap lo lvklwk kunam aingbv, um
jwngkadaka toku. Soogv turnam gv
kitap so yvvnyi amin lvklwk
mapvdw bunu vdwa
vmvgv svmasa
lo orlwktoku.



Dow vla okv nyimvnyamn v ngv minto, “aatoka!” Yvvdw
sum tvvnv dvdv ngvka mirungto, “aatoka!” Aatoka,
yvvdw tvngnwng dudw; turnam jinv isi am jinyu gobv
jinam am, yvvbunu mvnggi dudw laarwk sitoka.



Pwknvyarnv nyiamooku a achialvbv
pakla ninyigv Kuunyilo akin mvngchik
a jitoku, vkvlgabv yvvdw ninyia
mvngjwng rinv v simare vbvritola
turbwngnv singnam
a paare.



Roman 3:23

Mvwnng ngv rimur kunv okv Pwknvyarnv gv ringji kugv
nvchilo dooku mabv adukoyo kunv.

Roman 6:23

Rimur lvgabv rijo panamv—sinam bv ridu; vbvritola ngonu
Ahtu Jisu kristo lo akin gobv rinamv Pwknvyarnv gv
anyutaku amin jinam turbvdakbv mooku nvbv ridu.

Hebru 9:27

Nyi mvnwnngngv lvko sirungre okv ho kochingbv
Pwknvyarnvnyi jwngkadaka koreku.



Epesian 2:8,9

Holvgabv Pwknvyarnv gv anyuaya lokv nonuno mvngjwng nam lokv ringlinbaalin toku. Si kaanamv nonugv atubogv rilin vnglin sunam lokvma, vbvritola Pwknvyarnv gv amin jinam lokv, vkvlgabv svkv lvkwngbv yvka googv nyola madu.

Roman 10:9,10

Nonu gaam lokv mingkuk jila ho Jisu kristo ngonugv Ahtuv vla okv mvngjwng la ho Pwknvyarnv ninyia sinam lokv turkur moopv kunv vla mvngdu bolo, nonua ringlin kunv gobv rireku. Holvgabv si ngonugv mvngjwng nam lokv Pwknvyarnv gvlo ngonu tarwkbak bv doodunv, ngonugv mingkukrikuk nam lokv ngonu ringnam am paadukunv.



Jon 3:16,17

Pwknvyarnv nyiamooku a achialvbu pakla ninyigv Kuunyilo akin mvngchik a jitoku, vkvlgabv yvvdw ninyia mvngjwng rinv v simare vbvritola turbwngnv singnam a paare.

Pwknvyarnv ninyigv Kuunyilo nga nyiamooku so gv nyi vdwa jwngkadaka yanv gubv imu ma, vbvritola ringyanv gubv imu pvnv.

1 Jon 5:11-13

Soogv mintam namsi vbvridu: Pwknvyarnv ngonua turbwng nama jitoku, okv turnam si ninyigv kuunyilo gv lokv lindu. Yvvgvlo Kuunyilo vv doolwk dudw soogv turnamv doodu; yvvgvlo Pwknvyarnv gv kuunyilo ngv dooma dudw vv turnama paama. Ngoogv sum lvkdung dunv si nonuv turbwngnv singnam am paaduku vla chinmu dubv— Pwknvyarnv gv kuunyilo nga mvngjwng kunv ngv nonu.



Jon 14; 2 Korintian 5; Nyikrwkaatamnam 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Tagin NT (tgj) © NECTAR and The Word For The World
International, 2018.

<https://www.bible.com/en-GB/bible/2448/MAT.1>

©2026 Bible for Children, Inc.

www.M1914.org

www.bibleforchildren.org

